



UNIVERSITÄTS-
BIBLIOTHEK
PADERBORN

Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Velvti Totidem Ramos
Distributa

Illsung, Jakob

Dilingæ, 1693

Meditatio CCLXXX. Continuatio ejusdem Narrationis.

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

eum Spiritus Domini, Spiritus Sapientia, & Intellectus, Spiritus Consilij & Fortitudinis, Spiritus Scientia & Pietatis, & replebit eum Spiritus Timoris Domini. Itaque Doctrina illius est Verissima, & Sanctissima: & traditur à tali Magistro, qui Unctione Unionis cum Increata Sapientia, & Natura Divina à Cælesti Patre solenniter inunctus, & totius mundi Doctor inauguratus est. Considera etiam effectus illius Doctrinæ, in priori Isaiaë textu indicatos. Hujus ergo Magistri Disciplinæ te totum trade: iste unus sit Magister tuus: Mundi verò, & Carnis sapientiæ aures tuas claude.

MEDITATIO CCLXXX.

Continuatio ejusdem Narrationis.

Luc. 4. v. 22.

PUNCTUM. I. *Et omnes testimonium illi dabant* (quòd doctè, sapienter, efficaciter, & tanquam potestatem habens loqueretur, non autem quòd esset Messias) *Et mirabantur in verbis Gratia, quæ procedebant de ore ipsius.* Luc. 4. v. 22. Non satis est in Meditatione, Lectione Spirituali, auditione Verbi DEI agnoscere, laudare, admirari Veritatem, Sapientiam, & qualemcunque præstantiam illius, vel Auctoris, sed semper fructus aliquis capiendus est, voluntas impellenda, agnita Veritas opere implenda. Non enim Beati, qui audiunt Verbum DEI, sed qui custodiunt illud. Cùm autem ipse ad alios Sacra verba facis, non testimonium Auditorum laudantium & applaudentium, non admirationem in verbis & gratia dicendi captare,

captare, vel prensare debes, sed fructum; quæ
quia Christus unice quæsit, hinc non curavit, quæ
per reprehensionem suorum Auditorum pro laude
admiratione odium eorundem & indignationem
se converteret, ut deinde patebit.

PUNCT. II. *Et multi audientes admirabantur in
doctrina eius, dicentes: Unde huic hæc omnia? Et quæ
sapientia, quæ data est illi; & Virtutes tales, quæ per
eius efficiuntur? Nonne hic est Faber, Filius MARCI
Frater (id est patruelis & consobrinus) Jacobi
& Judæ, & Simonis? Nonne & Sorores ejus (patruelis
consobrinæ) hic nobiscum sunt? Et scandalizabantur in
Marc. 6. v. 2. Attende, quomodo Christus cum admi-
bili sua Doctrina, Sapientia, & Virtute patranda
cuncta conjunxerit tantam Humilitatem, & externam
sui demissionem, ut ea captum hominum omnino
peraret. Hinc autem patet, quanta apud DEUM in
omnibus officijs, parentibus, consanguineis, &
ejusmodi coram mundo contemptibilibus sit Di-
gnitas & Excellentia, ut Filius DEI eadem sibi elegit.
Sic cum Doctrina, Sapientia, Virtute, & alijs Na-
turæ vel Gratia insignibus donis Humilitas socianda
Sic curandum, ut non tantum humiles, sed viles
modo videamur. Sic, quod in oculis hominum con-
temptibile est, eligendum. Nunquam verò nobilitas
Natalibus, vel Consanguineis, vel Affinibus glori-
andum, nec de his, præsertim ab homine Religio-
sum sermo miscendus. Cavendum etiam, ne Nazare-
nos imitemur cum ijs, qui Superiores, Magistros,
Duces suos Spirituales, à DEO missos, & pro Ani-
marum suarum directione à DEO datos, propter de-
fectum quorundam donorum naturalium, Nobilitate*

Prudentiæ, Doctrinæ, Ætatis &c. aspernantur, & ab eorum Disciplina se subtrahunt.

PUNCT. III. *Et dicebat illis JESVS: non est Propheta sine honore, nisi in patria sua, & in domo sua, & in cognatione sua. Et non poterat ibi Virtutem ullam facere, nisi paucos infirmos impositis manibus curavit.* Marc. 6. v. 4. Quod Prophetis, id etiam Religiosis sæpe in domo sua contingit. Imitare ergo Christum, & firmo voluntatis proposito dic ex Pl. 83. v. 11. *Elegi abiectus esse in Domo DEI mei, magis quam habitare in tabernaculis peccatorum.* Nota etiam modum loquendi Evangelistæ: *Et non poterat.* Omnipotentiam enim, Bonitatem & Liberalitatem DEI infinitam nobis ipsis restringimus per exiguam nostram dispositionem, indignitatem, ingratitude, superbiam, & vel maximè, quia cum oblata Gratia Divina non cooperamur. Remove ergo hujusmodi obices, & impedimenta Cælestium Favorum, Auxiliorum, & Gratiarum.

MEDITATIO CCLXXXI.

Continuatio ejusdem Narrationis.

Luc. 4. v. 25.

PUNCTUM I. Confirmans Christus, quòd *Nemo Propheta acceptus sit in patria sua*, duo affert exempla, dicens: *In veritate dico vobis, multe viduæ erant in diebus Elia in Israël, quando clausum est Cælum annis tribus & mensibus sex; cum facta esset fames magna in omni terra: & ad nullam illarum missus est Elias, nisi in Sarepta Sidoniæ ad mulierem viduam (Gentilem) & multi leprosi erant in Israël sub Eliseo Propheta: & nemo eorum mundatus est,*